

榆林縣鄉土志

丑  
4134

地 170.83

541

21

歷史

本境前清雍正九年置

未置本境以前

唐堯屬朔方書曰宅朔方注朔方北荒之地榆林地處北陞堯時應屬荒服自虞肇十有二州逮夏商周均為雍州地

春秋屬白翟即晉文公攘戎翟居於西河圉洛之間所號為白翟者是戰國屬魏按顯王八年魏築長城自鄭濱洛以北有上郡文獻通攷注上郡今上郡新秦銀川等郡地

秦屬上郡兩漢為上郡龜茲縣地見禹貢魏省晉屬赫連夏北魏屬夏州西

魏屬宏化郡後周為真鄉縣地又置寧朔縣屬化政郡隋罷郡以縣屬夏

州唐貞觀二年州廢縣省入朔方開元中又置唐末拓拔思恭鎮夏州歷五代世有其地宋為銀州地尋陷入西夏金元屬米脂縣明初因之成化七年都御史五銳始奏設榆林衛建雙山常樂保寧歸德魚河五堡屬之前清雍正九年併五堡置榆林縣

既置本境以後

前清屬陝西省為榆林府治



政績錄

興利

余子俊字士英青神人祥子明景泰中進士歷陞延綏巡撫曾廣榆林城增三十六營堡又擇俊秀子弟教之請建學校俗多棄地又教之樹蔬果復立武學至今民猶思之

張子立字原禮山東黃縣人明時進士歷陞延綏巡撫修城堡開紅石峽以通水利民庶攸賴

涂宗濬江西南昌人明時進士歷陞延綏巡撫曾刊聖學源流修學宮創書院置學田增廩餼改武庠葺墩臺創鎮志俱垂不朽一時稱為良吏

鄭汝璧縉雲人明時進士巡撫延綏創清寧臺以望氛祲嘗著方物篇申飭吏治行於世今城內武廟暨城外紅石峽遺筆甚多皆詳言興利之政榆民重之

韓應琦字紹公南陽人康熙四年任延綏總兵綏和文武練輯兵民繕邊牆製軍器崇學校勸農田嚴互市賑貧窮凡宮觀橋梁及文武二廟皆應琦捐貲修葺

冷沛年漢軍正藍旗人康熙三十六年任榆林道榆故曠衍無膏腴田康熙初屯兵漸減百姓逐末者益多無以自給沛年至議以榆神府懷各邊牆外地土饒廣可令百姓開墾耕種以補內地之不足詔准行之是年秋星使至榆會勘於各邊牆外展界石五十里得沙灘田數千頃沛年露處於外者數月親為畫地正限並為套人定庸租徵地課焉今榆之東邊

外有地名大人窰子即沛年憇息處又城北十里雄石峽鑿石開渠引榆溪水概田榆民頌其德者比之明巡撫余子俊云

韓奕字克振滿州籍廊州人康熙三十八年任榆林城堡同知性慈愛精翰墨居官清介有政績與佟觀察沛年施總鎮世驥同開水利建文廟作士恤民諸廢畢舉

屠用中字司垣湖北孝感人乾隆十七年任榆林府事時改府縣未久移建文廟增置學宮士子執經請業者漸夥用中乃求明巡撫熊麟書院故址而修葺之躬率五屬捐捧二十餘金付高生息置講堂學舍齋厨蒸備又置膏火田數十畝區畫經費董勸師儒士林至今賴之

孔繼河山東曲阜人由進士於乾隆二十一年任榆葭道為人恭己禮下吏治民安捐捧修葺文廟創建書院時接諸生謂六經本諸躬行初學入德始於致知格物隨時從道在乎觀象玩辭一時士風丕振利賴大興趙銓浙江蕭山人乾隆二十四年任榆林府事慈惠有守常修西城外碧潯橋又引龍王泉水由府署而西注之學宮泮池名靈秀渠周圍農民藉以灌溉園田獲利無窮

舒其紳直隸任邱人乾隆三十六年任榆林府事自佟觀察沛年於雄石峽開渠引水經數十年輒復淤壞其中令知縣黃照訪尋遺址溯源北山拓使南注計長十五里許以溉澤視昔較廣名之曰廣澤渠其助修榆陽橋永濟橋歸德堡橋凡諸廢墜一時並舉而利益良多焉

維昂嘉慶十三年以汾州知州署榆林府事甫下車即請川楚陣歿官兵

卹典併增出征老兵養贍辦理周匝不遺一人鰥寡孤獨全活甚衆又捐義塚以瘞陣歿無嗣者時榆溪河田半歿於水昂督令士民築隄聚壩眎其勤情親勞來之嗣屢年旱暘傍河田皆倍獲

顏伯燾字魯魚道光初年由翰林廷榆綏道甫下車即捐建義倉九處一在城內餘八倉分置四鄉共儲京斗穀一萬四百四十一石又在東山捐建留養局一所每歲自十月起至次年二月止收養孤貧百名至今貧民賴之旋以陞任去

趙宜焯江西南豐人由舉人於道光三年任榆林縣事值各鄉有偏災處親詣勘察詳請撫恤民需實惠助顏觀察沈郡守整飭地方興學校築河隄日不暇處時年逾七旬以清廉抗直各大吏莫不器重焉

熊常鎬字聲谷江西沿山人由進士於道光四年任榆林府事凡修河隄設義倉留養局常鎬與有力焉惠政清廉循聲懋著

李熙齡字雲渠由翰林於道光六年任榆林府事甫下車即嘉惠士林殷勤訓課府治舊無志書自熙齡捐捧創修俾一名一物得以昭垂後世皆其力也

杜薇之字浣花雲南昆明人由進士於道光十一年任榆林事工隸篆和衷率屬勸民間植桑紡綫惜不久即廢榆林義倉舊在城西基址濕潮最易腐壞薇之捐貲移建於牌樓巷甚覺便利

劉厚基字福堂湖南耒陽縣人於同治九年任延榆綏鎮總兵時榆初遭兵燹軍民困苦厚基竭力振飭幾於無廢不舉修書院立義學設牛痘局

種種善政於所著戰功紀畧一書載之特詳旋卒於官奉 旨建專祠於今之東山祀之

張岳年字竹晨浙江鄞縣舉人於光緒六年由部曹出知榆林府事旋陞延榆綏道官榆最久善政頗多嘗於每歲冬季捐捧購買皮衣百餘件散給鰥寡孤獨光緒七八九等年癘疫頻仍岳年廣施醫藥不惜巨費全活甚衆又振興學校重修文廟核斷火盤租界開鑿普濟橋涵洞石濠至今遺址猶存鄉人即其上紅山立廟祀焉

去害

張守中字大石山西聞喜人明時舉人歷陞延綏巡撫甫下車即抑豪橫懲貪墨肅紀綱戒淫侈惟修實政不事鋪張時軍民禔福奸宄斂迹

譚吉璉字石舟嘉興人由監生於康熙九年任榆林城堡同知為政清惠有古良吏風修鎮志草蕪弊除凶橫十四年定邊副將朱龍叛璉與副使高光祖總兵許占魁進勦邊境以安禍患悉除制府上其功 賜忠蓋可嘉匾額以榮之

吳雲從石門人乾隆十二年任榆林府事時初設府治編保甲弭盜賊剔弊除害循聲卓著

楊壽楠字培山江西人由翰林於乾隆五十四年任延榆綏道事挈紀綱獨持風憲一時吏治肅然以榆北城墉將陷於沙與士民籌議引邊外頭道河水環城而西注之榆溪河為刷沙除害計士民踴躍樂從皆資臂助鳩工開渠至城東十里之和尚井復向西流注於榆溪沙之害已去大半

至今邊外沙渠故蹟猶存

溫承惠山西太谷人乾隆五十八年由部正郎出任延榆綏道力除舊弊作事勤敏御下惟嚴屬吏咸畏憚之戢暴安良宵小遠遁一時邊方不受酷吏虐民之害承惠之力居多焉

沈相彬字正亭湖南福安人由捐職從軍川楚有功嘉慶二十二年任榆林府事曲誘善良訪拿奸猾出木榜勸民高樸嚴禁侈風與顏觀察祛弊救民恩垂五屬而惠遠除焉

蔡兆槐字植三江蘇崇明人由翰林於同治六年任榆林府事甫下車即裁革行戶凡一絲一粟皆以市價買之未嘗以絲毫累吾民迄今縣有行而道府無行兆槐之力也時值猖匪肆逆竄擾北山籌辦城防不遺餘力用能免卻無限禍患榆民德之至今猶稱頌焉

嚴書麟字少雲山東歷城縣人於同治六年任榆林縣事時值猖逆犯邊書麟助蔡太守籌防設備力除患害功烈異常至果敢勇往遇事不辭勞瘁用法不憚嚴肅此尤奸宄斂迹禍害旋消之關鍵也

李允芳字蘭亭山東人於同治六年任延綏鎮標右營遊擊時值猖匪作亂北山一帶徧地皆賊人民受害苦不可言允芳率師進勦屢剋其鋒力戰一年之久使賊不敢至我城下人民不大受其禍害者允芳之力也榆民至今猶感慨莫忘焉

聽訟

顏真卿字清臣瑯琊人唐開元中舉進士遷監察御史使河隴時五原有

冤獄久不決天甚旱真卿辦獄而郡人呼為御史雨

黃照福建龍溪人由副貢於乾隆三十七年任榆林縣事沈毅有守凡審訊民詞必求詳核務期是非曲直朗如燭照時有疑獄竟事未嘗株連一人自設縣以來器識才具學品治術以照稱最云

彭思忠貴州思南人由舉人於乾隆四十六年任榆林縣事性仁厚務以德化民每笞杖人輒掩面不欲觀黠民有訟者感其意相解以去時有府谷縣民劉爾舒京控案侍郎某與陝之大吏至榆會訊輿馬僕從填巷塞途思忠捐捧供給弗忍累及吾民而大吏隱向思忠秘詢情實思忠復出公勻之言以告之而疑獄乃釋當時孺婦皆稱為慈父母

陳祁浙江嘉善人乾隆五十七年署榆林縣事勤敏有器識尤饒折獄才榆林故無重獄祁為清正案牘犴狴之門數月不閉

葉林河南正陽人由進士於嘉慶五年署榆林縣事每聽訟如詔誠家人不固執已見甫逾歲以疾致仕歸

潘元揚江蘇吳縣舉人嘉慶十五年任榆林縣事臨民以寬有應追比者不忍遽加呵責有弟兄口角爭訟者必勸諭以大義咸感悟泣涕解訟而

去任榆數載卒於官宦囊蕭然

陳俊儒甘肅成縣舉人嘉慶十七年任榆林縣事聽斷明敏果敢有為一時健訟之徒無不斂迹而案獄常清

孫毓林字小雲江蘇甘泉人於同治九年署榆林府事賦性果決聽斷公明一時案無宿牘民無冤獄至殊恩造士雅化作人猶其餘務

李慎字勤伯漢軍正藍旗人由進士於光緒五年任延榆綏道學識宏博  
吏治明通時綏屬辦理賑案頗多疑獄數年不決慎甫下車以片言決之  
無不服其公明

兵事錄

本境兵事

宋熙寧三年八月夏人入寇屯榆林詔韓絳宣撫陝西

四年正月种諤襲夏兵於羅兀在縣南境北大敗之遂城羅兀三月夏人陷

撫寧川即鎮諸城

明洪武九年伯顏帖木耳為邊患穎川侯傅友德副湯將軍和駐兵榆林

出塞番兵縛伯顏帖木耳以降見傅友德傳

天順四年寇二萬騎入榆林總兵楊信擊却之追奔至金雞峪斬平章阿

孫帖木耳還所掠人畜萬計見楊洪傳

成化元年九月阿羅出亂加思蘭孛羅忽毛黑孩大入榆林塞都御史項

忠寧遠伯任禮巡撫盧祥帥兵禦却之

二年初榆林初置土兵

四年十二月亂加思蘭寇榆林

弘治十二年火節入榆林塞

十三年七月火節入榆林平江伯陳銳禦之無功保國公朱暉代之十二

月火節入河套

十四年正月火節寇榆林二月保國公朱暉提督軍務右都御史史琳出

禦之至河套而還

十六年套人入榆林塞千戶湯璽力戰死之

嘉靖八年十月吉囊俺答數掠榆林塞總督王瓊出兵禦之

十一年二月吉囊入榆林總督唐龍禦却之

十二年吉囊統衆十餘萬陣於紅山在縣城北聲言索米脂地副將王效率所

部三年為先鋒夜入其軍斬數十級遂遁去見傳

十八年二月套人入榆林塞殺守將朱隆

二十二年八月套人入榆林塞

二十四年套人大入榆林塞

三十六年三月都察兒犯榆林副總兵陳鳳往擊死之

四十年十一月套人犯榆林南下攻背干川牆在縣南境

隆慶元年正月套人犯芹河在城西副總兵黃演死之

五年九月紅山在城北十里初互市

萬曆四十三年十二月沙計歹成謀犯雙山在縣東境總兵官秉忠出塞擊破之

崇禎六年九月不沾泥等至三岔川在縣南二十里總兵王承恩禦之東去掠葭州

九年李自成犯榆林賀人龍擊敗之

十六年偽順將軍李過劉芳亮北略榆林十二月二十一日遣賊將黃色

俊來榆說降不從賊恨之督攻甚急榆城東南山阜參差海潮寺尤逼城

下賊乃潛入其中掘地道城中亦穿地截之賊復於沙峰上起飛樓與城

樓相對矢石交至勢甚急總兵尤世威與從弟副將尤翟文自南門出力

戰於榆陽橋賊退去翟文歿於陣東城亦選壯士懸城出奮擊賊為披靡

二十五夜賊營徧吹觱篥將退守綏德請益師而城中奸民有起火以應

之者比曉賊復集至二十七日晡時南城陷榆遂為賊所據者年餘

前清順治二年靖遠大將軍英王至榆林偽將軍高一功節度使周士奇遁走

六年叛將王永疆安將誘神木賊高有才襲陷榆林巡撫王正志戶部督餉郎中朱予昇死之

康熙十四年叛將朱龍定邊將進逼榆林鎮城軍民効死固守三月不下賊遂退

同治六年狃匪竄入榆境遊擊李允芳帥土兵五百禦之於縣南姬家坡敗績全軍死之八月魚河失守明年正月榆城戒嚴總兵陶茂森防守北城知府蔡兆槐知縣閻舒麟督率紳士民團分守東西南三城十七日黎明賊伏其精壯於城盡率老弱難民以攻我南城兆槐覺其詐令兵民毋許少動有頃伏賊果從北發茂森親燃巨炮擊斃執大旗賊目一名衆始懼解去

### 涉及本境兵事

明成化三年阿羅出入榆林塞孤山屬府守將湯胤績力戰死之

六年阿羅出寇延綏拜朱永將軍偕王越劉聚等討擊敗之蘇家寨寇萬

騎自雙山堡在縣東境分五道至戰於開荒川屬葭州又敗之

十五年滿都魯侵榆林塞三月總兵保國公朱永提督尚書王越出塞至威寧海勝之

正德十年八月俺答自榆林直犯米脂綏德無定河大川至山西石州黃河西岸大肆殺掠

嘉靖十年總督王瓊請自蘭州至榆林三千里悉築邊牆從之  
十三年七月吉囊入榆林塞八月又至游擊梁震敗之於定邊

十四年六月吉囊入榆林塞掠內郡參將魏祥死之

十九年三月套人入榆林塞破清平堡懷遠境入米脂總兵周尚文駐兵狄

青原懷遠境邀擊之以捷聞

四十四年正月套人入塞總督郭乾巡撫胡志夔會議令總兵趙奇帥兵  
出榆林邊外至黑灘畔頁河兒克之

萬曆十九年打兒漢子土昧與他部明安互市訖臨邊要賞聲犯內地總

兵杜桐與賈仁元計先出兵襲之乃命張剛自神木李紹祖自孤山府谷縣境

自率輕騎自榆林三道並出遇寇力戰大破之斬首百七十餘級馘明安

而還見明史杜桐傳

耆舊錄

事業

劉倫江子榆林人正德己卯舉人知山東定陶縣值流賊劫掠郡邑所過殘破倫先期繕城練士賊薄城倫躬提袍鼓破其攻具城賴以全擢戶部主事

孟孝臣榆林人官蘭州參將質朴有胆略火節剽掠內地孝臣奉檄策應寧河一捷幾破敵胆火節所至孝臣輒尾擊之會總兵劉承嗣敗績孝臣出奇兵救入營屢立戰功

孫曷榆林人嘉靖十九年舉人知山東陵縣歲荒盜起乃捕緝解散發儲粟賑濟生活者萬九千人後官至南京戶部郎中時倭犯南浙各路士馬雲集賴曷餉給不匱以致克捷

崔鏞字汝洪榆林人嘉靖中進士授潞安府推官決獄多所平反後官至山西按察司副使隆慶四年俺答孫把漢那吉來降俺答扣邊求還總督王崇古巡撫方逢時屬鏞議鏞曰殺降固不可還之則又示弱莫若那吉歸義上聞爵以官俺答必喜使其貢獻還我叛人然後予之於計便即單騎往諭之俺答聽服上多鏞功賜以金帛

白棟字子隆榆林人隆慶五年進士除東阿令阿役繁賦重稱難治棟下車立條鞭法貧富皆以地科差邑中一切倚辦不煩里甲以卓異徵為山西道監察御史

按一條鞭法自隆慶二年江西巡撫劉元濟奏行始

侯職榆林人嘉靖四十年舉人知山東鄒平縣值歲饑盜起職捐俸立義倉多方賑濟且躬詣盜所諭以大義盜解去鄒平立祠祀之明年入覲條奏天下利害萬餘言迂大名府通判管宣府南路事時代藩占屯田地七千頃職力爭始得還各城堡贍軍尋致仕歸

王保榆林人嘉靖十六年任神木副總兵時套中挾賞犯邊保力禦之十九年陞都督僉事鎮昌平尋改薊鎮二十三年十一月喜峰口有警保躍馬而出生擒長昂小郎兒等陞都督同知調征倭有叛兵聚嘯於石門將為亂聞保至即時解散所至屢立戰功一時稱為名將云

李卑字持平榆林人官延安參將值羣盜四起以防兵三百破賊數千於甘泉臨陣出奇疾如風雨延以北諸縣賴之積功擢臨洮總兵援剿張李諸賊於湖廣所至軍命嚴肅居民不擾

張天祿榆林人明末以義軍從軍初隸賀人龍及曹變蛟營中從剿流賊有功歷官至池浦總兵豫五南下天祿迎降命以原官隨征時明唐五翰林金聲聚鄉勇十餘萬據徽州天祿生擒聲等斬於軍明唐五大學士黃道周率兵犯徽州又擒道周斬之授徽甯池太總兵官弟天福亦以故明總兵順治二年與兄同降官至散秩大臣

張鵬程字雲圖榆林人由行伍從高傑於江南順治二年豫王南略鵬程率先歸附授甯國副將尋進偏沅總兵十七年五師進取滇黔因調駐鎮遠會水西安坤不靖奉命與吳三桂會師進剿師次六廣安坤遣酋岔搭拉率衆來襲約兵至即舉火斷橋以覆我師於江鵬程偵得之乃伏精兵

於五里坪守橋為固仍舉火誘致之岔搭拉馳至陷伏中擒之遂連營而進次日克水西與三桂兵合於時剿撫兼施山無伏莽始議改建流官高第字漢冲榆林世族也順治命總鎮河南開歸三府恐下情難達於城樓置鳴寃鼓令屈抑者擊之輒為伸理節制營將即親故不少貨累加少保兼太子太保

黃應傑榆林衛人順治四年任惠州總兵官鎮嶺東平長甯劇盜會圍興甯軍書告急應傑兼程至縣安營未定即馳三騎衝賊壘賊大潰斬獲無算八年興甯復亂提兵營於城西赤卷嶺平定安集甯人德之

劉永亨字正吾榆林人累官至都督僉事協守紹興時浙東多土寇蔓延上虞餘姚新昌諸縣永亨將兵剿撫所至風靡捷聞特賜貂裘名馬迂宣府總兵挂鎮朔將軍印永亨至鎮繕修龍門滴水崖諸堡時關門屹然烽燧偃息年六十五卒

張玉麒字公仁鵬程子康熙九年襲世職授直隸參將十四年秋新河張可大變起畿輔巡撫金世德集眾議未定玉麒潛師夜起以百騎破可大萬眾往返僅五日事聞進二級尋擢副將陞台灣總兵台灣遠隔重洋宿多伏莽三十八年春吞霄社土番叛雞籠淡水二澳復聞風効尤玉麒選將厲兵直抵吞霄擒卓奇卓霧尸諸市更授計二澳汎官縛其渠皆斬之海疆自此安靖尋署福建陸路提督凡十二年 賜御書匾額者三曰機宜果斷曰奕世承休曰世澤堂皆異數也後乞歸卒

張文奇榆林人武進士乾隆末迂河南河北鎮總兵嘉慶元年湖北教匪

滋擾襄陽鄧州等處文奇往來堵剿日無暇晷百露溝一戰殺賊無數奪獲牛騾刀矛稱是將 旨嘉獎尋以病卒

王印弼榆林人以從征金川功補材官乾隆末駐防伊犁累遷都司印弼少習農事比至伊身率士卒屯田有方於伊地開渠二百餘里引水溉田至今利之旋卒於官伊之人立祠祀焉

葉蘭號澹園榆林人乾隆庚辰舉人由官學教習授內閣中書出為安慶府同知制府屢以要讞檄令剖治悉稱平允歷署池潁二府泗所至有政聲以母憂去起選廣西平樂府同知尋擢潯州府視事未幾卒蘭學識宏瞻尤精八法與王文端公並名關中寓京時創置榆林會館鄉人至今賴之康述周字衣言榆林人乾隆壬午舉人篤志嗜學家居課徒鄉閭以為儀表任涼州武威教諭興安教授卒

袁士繡字絢亭榆林人乾隆癸卯舉人任四川儀隴大竹知縣署太平同知時教匪滋事士繡團練鄉兵親履行陣擊獲賊目宋悃品等治州縣藉以安堵旋以憂去起選安徽銅陵知縣尋補泗州直隸知州士繡弭盜賊緝私梟清介有聲大吏上其功為皖吏治最尋擢寧國府知府未視事卒子承志官湖南通判

党觀文字陰圃榆林人自幼穎悟乾隆己酉舉人嘉慶初以大挑補四川蒼溪縣時初經川楚兵燹之後觀下車即為地方條陳撫恤剔弊興利遠邊賴之以安嗣調廣元生平清廉正直頗著政聲後告歸卒於家葉沅字芷林蘭之孫幼穎悟日誦十言工八法與祖蘭齊名嘉慶辛酉舉